

PLOANIES DA SAN MARTIN Y LUNGIARÜ

Mëssa solëna por recordé 25 agn dala mort dl sorvidú de Dî, siur Heinrich Videsott, incö domënia, ai 22 de setëmbër, dales 14.30, a La Val.

La Uniun di Èi dl decanat Val Badia inviëia düc i èi y i jogh ala prozesciun cun linternes dala dljia de San Linert sö Oies, en vëndres, ai 27 de setëmbër, dales 19.30. Recordésse da ves tó do na linterna o na ciandëra.

Le KVV Val Badia mët a ji n peregrinaje a pé a Weissenstein ai 28 de setëmbër. Prenotaziuns cina ai 25 de setëmbër pro Hartmann Frontull 345 72 74 593. *ciarede tl'ultima plata*

SAN MARTIN

En dedolönesc, ai 24 de setëmbër, dales 16.00 inant vëgnel sié la cortina. Chi che á dlaurela é dër bel periá da gní a daidé. Da bur tēmp le de dedò.

LUNGIARÜ

La prozesciun sö La Crusc, gnüda spostada por gauja dla nëi, vëgn tignida incö, domënia, ai 22 de setëmbër. I piun ia da insom le lift demez dales 14.00 do le Tru dles Staziuns y dales 15.00 él te dljia na Liturgia dla Parora.

I seniors y les seniores da Lungiarü é bel inviá/des da gní cun la coriera sö Antermëia en vëndres, 27 de setëmbër, dales 13.00 (fermada dan le Sanví). Sö Antermëia jiunse n momënt te dljia de Sant Antone y spo spazirunse por la strada asfaltada ite cuntra La Curt, Max y jö y fora y sö Al Bagn (zirca carantecinch menüc. Dailó storjunse pro te capela y spo te ostaría a na picia marëna. A ciasa gnunse indò cun la coriera pro la fermada jö dlungia punt.

La Uniun dles Ères da Lungiarü inviëia dotes les interessades a gosté ia dal Ostí Vedl en vëndres, ai 4 d'otober, do la santa mëssa dl pröm vëndres. Cost: 20 euro por porsona. Se prenoté pón cina en lönesc ai 30 de setëmbër pro Anita 329 22 39 402.

La Uniun Teater La Ila mët a jí n curs de teater por mitans y mituns cun Erika Castlunger a La Ila. *ciarede plü avisa tl'ultima plata*

Museum de Tor: incö domënia ai 22 de setëmbër: Vijita menada fora por la mostra Countdown to Mass Extinction? *ciarede tl'ultima plata*

Balé tl cèrtl te 8 incuntades de n'ora y mesa: Te n'atmosfera ligherzina cun musiga plajora vëgnel alené la memoria, la konzentrasiun y la coordinasiun. Ví ince tò y inviëia valgügn da gní cun te. Informaziun y prenotaziuns pro Monica 334 82 28 799. Referënta: Giovanna Moling; dai 9 d'otober inant tres le dedemesaledema dales 15.00 tl Istitut Ladin a San Martin.



1'

unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - klsottsas@rolmail.net
redaziun: anton.gasser@rolmail.net - 348 27 44 517 / 0474 523

22.09 - 29.09.24 n. 43

termo por comunicaziuns: jöbia, dales 20.00

25ª DOMÈNIA IA POR L'ANN B

Vangele do san Merch 9,30-37

Te chël tēmp passâ Gejù y sü discepui fora por la Galilea. Mo Gejù n'orô nia che zacai gniss al savèi; deach'al orô istruì sü discepui. Al ti à dit: Le Fi dl Om ti gnarà surandè ala jënt, y ai le coparà; mo trëi dis do süa mort resoriaral. Mo ai ne capî nia le significat de sües parores, ai ne s'un fidâ nia da le damanè. Ai ê rovà a Cafârnaum. Canch'al ê spo te cíasa, i àl damanè: Porsura cí èise pa baié sön tru? Ai scutâ, deach'ai â baié deboriada sön tru porsura cal che ê le plü gran de d'èi. Dailò s'à Gejù sentè, à cherdè i dodesc y ti à dit: Chël che ô ester le pröm dess ester l'ultimo de düc y le sorvidù de düc. Y al à metü n môt amesa èi, spo l'àl tut te sü brac y ti à dit a d'èi: Chël che tol sö n te' môt por mia gauja, tol sö mè; chël indere che tol sö mè, ne tol nia sö mè, mo chël che m'à menè.



I discepui ne capësc nia ci che Gejú ó ti dí y baia sura val' d'ater, ci che ti interessëia deplü: Cal che é le maiú de d'èi. Gejú tol l'ocajun da dí val' de essenzial porsura chësc: Chël che ô ester le pröm dess ester l'ultimo de düc y le sorvidú de düc. Por ch'ai intënes sües parores, mët Gejú n môt amesa èi. Inlaota valò i mituns püch y nia, ai ê indefenüs y n'â degügn dërc. Chël che tol sö n te môt por mia gauja - insciö dij Gejú - tol sö me; chël indere che tol sö me, ne tol nia sö me, mo chël che m'á mené. Le tru de Gejú mët man pro la jënt püra, dala meseria y zënza dërc. Dailó él nosc post. Vigni incuntada cun püri, soferënc y deorientá pó diventé na incuntada cun Gejú y cun Chël Bel Dî.

Te Deum



EDEMA - B	SAN MARTIN	LUNGIARÜ	
22.09.24 25ª DOMËNIA ia por l'ann B	<i>Segra: Festa dla consacraziun dla dlijia</i> 9.30 Corona (<i>pater Franz</i>) 10.00 Gran Mëssa por la Comunité por la comunité da San Martin por les families de Martin Verginer + Siur Vito Rubatscher, dl ann + Maria Grünfelder Flöss, dl ann + + Sciandro y Hannele Trebo	7.50 Corona por le defunt Paul Pezzei 8.15 Gran Mëssa por la comunité 2ª mëssa de sopoltöra de + Paul Pezzei dl ann + Carlo Mìschi vis y defunc de Lùca y Hannele Sorà 14.00 Prozesciun sö La Crusc da insom le lift do le tru dles Staziuns 15.00 Liturgia dla Parora	<p style="text-align: center;"><i>Cursc de Teologia a Porsenú</i></p> <p>I Cursc de Teologia é na oferta dla Scora Universitara de Filosofia y Teologia da Porsenú.</p> <p>Ara é adressada ai interessá de spiritualité y religiosité y che se dá da fá tla pastorala. I cursc ó ti baié ados a porsones che ó jí plü sot tla Bibia, tla fede y tla spiritualité cristiana.</p> <p>Por frequenté i cursc ne n'él ghiré degöna preparaziun danfora o conescënzes particulares. I cursc é daverc a düc chi che é interessá a tematices religioses. I cursc á na dorada de trei agn.</p> <p>Le pröm ann é conzepí sciöche curs unitar de basa, aladô ch'al é ince meso da frequenté ma le pröm ann.</p> <p>I atri dui agn pîta spezialisaziuns y aprofondimënc. Pro vigni curs él preodü 11 dis de stüde, dagnora la sabeda, da otober cina de jügn, y na edema de stüde ala fin de jügn.</p> <p>I cursc mët man ai 15 d'otober.</p> <p>Prenotaziuns y informaziuns pro Paola Cekarini Bayer 0472 27 11 21 o por e-mail theologischerkurse@pthsta.it o tla plata internet pthsta.it/de/brixner-thologische-kurse.html</p>
23.09.24 Lönesc <i>Pio da Pietrelcina, Tecla</i>			
24.09.24 Dedolönesc <i>Rupert y Virgile</i>	8.00 Mëssa + Anna Glira	16.00 Corona tla capela de S. Ojöp Fr.	
25.09.24 Dedemesaledema <i>Niclaus da Flüe</i>		7.30 Mëssa por les families de Iaco Castlunger + Roslinda Deiaco por les püres animes	
26.09.24 Jöbia <i>Cosma y Damian, Paul VI.</i>	19.30 Reuniun dl consëi de cöra		
27.09.24 Vëndres <i>Vinzenz de Paul, Flavian</i>	18.30 Adoraziun chîta 19.00 Adoraziun deboriada		
28.09.24 Sabeda <i>Wenzel, Lioba</i>	18.30 Mëssa prefestia + + Pire y Ida Erlacher + + + Vantsch	11.00 Bato de Evan Janni de Andrea y Cindy	
29.09.24 26ª DOMËNIA ia por l'ann B <i>Michil, Rafael, Gabriel</i>	9.30 Corona 10.00 Gran Mëssa por la Comunité vis y def. fam. Sepl e Gemma Frenes, Preroman + + Franz y Cristina Conrater + + Sepl y Nando Sorà	7.50 Corona 8.15 Gran Mëssa por la comunité 3ª mëssa de sopoltöra de + Paul Pezzei vis y def da Mazchel + + Giovanni y Sabina Clara dl ann + Ida Nagler + + Maria Dapoz y Marino Clara	